

a/g-1  
19.05.2019  
V  
361

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa za policijskog komesara, načelnik Sektora kriminalističke policije Milorad Bašić, (u daljem tekstu Ugovorni organ)

„MIBO KOMUNIKACIJE” d.o.o Sarajevo, Tvornička 3, ID: 4200470540005, koga zastupa direktor Marko Boštjančić (u daljem tekstu: Dobavljač)

zaključili su:

## UGOVOR O NADogradnji SISTEMA ZA ANALIZU I PRAĆENJE SAOBRAĆAJA

### Član 1.

Predmet ovog Ugovora je nadogradnja sistema za analizu i praćenje saobraćaja. (licenca aplikacije SPARTA ACTIVE za dodatnu kameru – 16 komada; Fiksni modul za detekciju i prepoznavanje registarskih tablica sa priborom – Tip 1 – 4 komada; Fiksni modul za detekciju i prepoznavanje registarskih tablica sa priborom – Tip 2 – 12 komada; Montaža fiksnih modula za detekciju i prepoznavanje – Tip 1 – 4 komada; Montaža fiksnih modula za detekciju i prepoznavanje – Tip 2 – 12 komada; Komunikaciona oprema (linkovi) – 6 komada; Montaža komunikacione opreme (linkovi) – 6 komada.)  
Nabavka je izvršena putem otvorenog postupka, na osnovu Odluke broj 02-14-4-2093/19 od 17.04.2019. godine.

### Član 2.

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača broj 780/19 od 28.05.2019. godine i na osnovu koje je, zajedno sa elementima iz tenderske dokumentacije i sačinjen ovaj Ugovor.

### Član 3.

Ukupna cijena predmetne nabavke sa uključenim PDV-om iznosi 488.685,60 (četiristotineosamdesetosamhiljadašeststotinaosamdesetpet i 60/100) KM.  
Cijena i ostali elementi ovog Ugovora se ne mogu mijenjati.

### Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

### Član 5.

Dobavljač se obavezuje da će robu iz člana 1. ovog Ugovora isporučiti i montirati na lokacije navedene u predmetnoj tenderskoj dokumentaciji, najkasnije u roku od 120 (stotinudvadeset) dana od dana stupanja na snagu ovog Ugovora.  
Sve troškove isporuke do primopredaje, kao i troškove reklamacije snosi Dobavljač.  
Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. Ovog Ugovora.  
Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

**Član 6.**  
Plaćanje će se vršiti u roku od 30 (trideset) dana od dana ispostavljanja robe i montaže iste, te dostavljanja fakture, na tekući račun Dobavljača.

**Član 7.**  
Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponudena roba nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.



**Član 8.**  
Garancija Dobavljača na isporučenu/instaliranu/ugrađenu opremu iznosi 12 (dvanaest) mjeseci i počinje da vrijedi od datuma puštanja sistema u rad.  
Dobavljač se obavezuje da će poštovati sve garantne uslove, a u toku trajanja garantnog perioda.  
Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

**Član 9.**  
Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

**Član 10.**  
Eventualno nastale sporove pri realizaciji ovog Ugovora, Ugovorne strane će rješavati sporazumno.  
U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.


**Član 11.**  
Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

**Član 12.**  
Ovaj ugovor je zaključen, kada isti potpišu obje ugovorne strane, zaključuje se na period od 1 (jedan) godine, ili do utroška sredstava.  
Ovaj Ugovor izrađen je u 4 (četiri) istovjetna primjerka, od kojih Ugovorni organ zadržava 2 (dva), te Dobavljač 2 (dva) primjerka.

**DOBAVLJAČ**  
**MIBO Komunikacije d.o.o Sarajevo**  
  
direktor **Marko Boštjančić**  


Broj : 169/19

Datum: 24.06.2019.

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**  
  
za **POLICIJSKOG KOMESARA**  
Načelnik Sektora kriminalističke policije  
Glavni inspektor  
**Milorad Bašić**

Broj : 02-14-4-2093-4/19

Datum: 18-06-2019